

# *TLHOMAMIŠO*

Ke Modimo, seo ke sohle. Ke motlalagohle. Le a bona? O mogohle. Ke nno nagana ke tla e tlogela e lekeletše le go bona ka fao e tserego go swara, le a tseba. Ke motlalagohle. O... Seo se Mo dira Modimo, ka gore ke Modimo a nnoši a ka kgonago go ba motlalagohle. Kafao O rile, “Morwa wa motho yo bjale a lego Legodimong.” Le a bona? “Ga go motho yo a rotogetšego godimo, eupša Yo a tlidego fase go tšwa Legodimong, yena Morwa wa motho yo a lego Legodimong.” O be a le fao, a eme ka godimo ga ngwako, go le bjalo Legodimong. Le a bona? Ke motlalagohle, seo se Mo dira Modimo. Seo ke selo se nnoši se ka kgonago go ba, motlalagohle, ke Modimo.

2 Bjale, bošegong bjo, ke no hwetša sona serethe sa molaetša wa go makatša wa Ngwanešu Neville go kereke. Morena a o šegofatše le go oketša go wona. Gomme, le a bona, o le tlogetše le lekeletše fao, ka go naga. Seo ke se sebotse. Boloka seo ka pelong ya gago, nako yohle.

3 Gomme bjale, re ya go ba le selalelo bošegong bjo. Gomme yeo ke nako yeo bohole re ipshinago ka yona, ke ne kgonthe. Ke nagana ke lethabo la pelo ya Mokriste, ke go tseba gore o tla go boloka taelo yeo Jesu a re tlogeletšego. Go ne ditaelo tše pedi tšeoj Jesu a re tlogeletšego, dilo tše pedi tša materiale. Ye nngwe ya tšona ke tirelo ya selalelo, gomme ye nngwe ke kolobetšo ya meetse. Go sego bjalo, ga go na “kgwatha, swara,” ga go selo gape se šetšego ka go yona, le a bona, go no se be boipobolo le go gogoba ka matolo a lena, le mohuta ohle wa dilo tše. E—e no ba kolobetšo ya meetse le selalelo. Kafao ka mehla re thabile go tla go se.

4 Ke a dumela Beibele e rile, “Wa lehlogenolo ke yo a dirago melao ya Gagwe, ba na le tokelo ya go tsena ka Mohlareng wa Bophelo, ka gore ka Toropongkolo, Toropokgolo ye Kgethwa; ka gore ka ntle go dimpša, diotswa, le go ya pele, tše di swanetšego go lahlwa.”

5 Gomme ka gona tirelo ya selalelo ka mehla ke ye tee ya go tia kudu, ka gore e re tliša go makgaolakgang, le a bona, bjalo ka ge re tla bala ka go lebakana le lennyane, ka Lengwalong.

6 Re na le Ngwanešu Brown a dutšego fa, bošegong bjo, Ngwanešu Dauch, le Ngwanešu Brown, le Ngwanešu McKinney. Ga ke kgone go nagana ka maina a baena ba bangwe ba dutšego godimo fale. Eupša re thakgetše go ba le bona go tšwa godimo ka Ohio. Ke bona Ngwanešu Pat Tyler mo, le Ngwanešu Stricker morago kua, badiredi ba Ebangedi, ba ba lego ka morago ga ka. Ngwanešu Collins, le yena, le Ngwanešu Hickerson.

<sup>7</sup> Bjale, Ngwanešu Stricker, mosadimogatša o bjang? O dira gabotse. Uh-huh. O bile le kotsi, gomme o nteleditše bošego bjo bongwe. Gomme nako ye ke tsenego, go tšwa go dipitšo tše dingwe, e be e le e ka ba ka iri ya lesomepedi, iri ya pele, gomme ga se ka mo leletša ka nako yeo; mosong wo o latelago. O be a roka gomme ka mokgwa wo mongwe, a kgabodiša tšhwana go theoga diatla tša gagwe, gomme ya hlabo go rarela lerapo goba sengwe se sengwe. Gomme o lekile go e gogela ntle ka mokgwa *wo*, go tšwa go motšhene wa go roka, motšhene wa maatla. Gomme, go leka go e gogela ntle, go e thokgile ka tsela *ye*. Gomme o lekile go e ntšha ka meno a gagwe, mohumagadi yo monnyane, a leka go e goga, ka lona, a e roba go tloga lefelong le lengwe, ka seatleng sa gagwe.

<sup>8</sup> Gomme o rile, “Nno rapela gomme go tla loka.” Ke rata tumelo yela ya kgonthe, go swarelela fale go lefelo lela. Ke rata seo. Kgaetšedi Stricker ke Mokriste yo monnyane wa go ratega, gomme ga ke mmone fa bošegong bjo, gore ke kgone go no bolela ka yena. A ke yena? Oo, gabotse, bokaone ke homole. O fa, le yena. Go lokile. Gabotse, re nagana o yena, go le bjalo, Kgaetšedi Stricker.

<sup>9</sup> Bjale, Ngwanešu McKinney o kgopetše, ke a dumela, fa nako ye nngwe ya go feta, gore... Re maswabi. Billy Paul o nno nkgopotša ka yona, yeo ka tlhomamišo, goba ka mokgwa wo mongwe, tlhomamišo ya Lengwalo go tšwa tabarenekeleng. A ke nnete, Ngwanešu McKinney? A ke e kwešišitše gabotse? Bjale, laesense ya yona e filwe.

<sup>10</sup> Bjale, mosong wo, ke be ke sa tsebe gore ke be ke eya go ba mo go bolela. Eupša morago ga go tla fa, le ngwanešu wa rena fa, a tletše ka mogau le lerato, o nkgopetše go tla le go bolela. Gomme re tlišitše ntle se kereke e bego e le sona, le se kolobetšo ya Moya wo Mokgethwa e bego e le sona, le yo a nago le Wona, gomme ke mang a se nago Wona, gomme o tseba bjang ge o O hweditše. Le a bona? Kafao, ge o se wa hwetša Molaetsa, gona bašemane, ba ne ditheipi fao, tše di ka yago kerekeng ya rena, ka gobane ke Thuto ya go gagamala, tsela yohle go kgabola.

<sup>11</sup> Gomme ka gona ke dirile setatamente se, gore, ga go dilo tše bjalo ka Kereke dikerekemaina. Ga go selo se sebjalo. Ke dilotše dikerekemaina. O tswalelwā feela ka Kerekeng. Gomme ge yo mongwe a re, “Ke nna Mopresbyterian,” ke wena wa lotše ya Presbyterian. Le a bona? Gobane o tswetšwe... “Ke nna Mobaptist.” Ke wena wa lotše ya Baptist, e sego Kereke ya Baptist. Ga go selo se se bjalo. Gomme re e retolotše thwi morago, le go hwetša ka Beibeleng, gore ebile go bolela selo se sebjalo ke maroga. Yeo ke nnete. E baleng thwi go tšwa go dingwalwa tša setlogo go tšwa go Emphatic Diaglott, gore Beibele e boletše gore... gore maatla a, a bitšwago kereke, “e tletše maina a go rogana.” Le a bona? Ba ipitša Bakriste bonabeng le go ipea bonabeng bjalo ka Bakriste, gomme ba no phela mohuta e ka

ba ofe wa bophelo. Le a bona? Gomme ka kgontha e bapetšwa le toro yeo kgaetšedi fa ka kerekeng a bilego le yona, yeo re e hlalošitšego fa mosong wo. Bjale, dinako tša Beibele, ka tsela ye ba beilego modiredi, e bile ka go lemoga mpho ya Modimo ka go modiredi yo, bodiredi.

<sup>12</sup> Ke moo ke naganago gore Mokgethwa wa letšatši la Moragorago...Goba, e sego Mokgethwa wa letšatši la Moragorago. Ke kgopela tshwarelo ya lena. Baena ba pula ya morago, ba dirile phošo ye bjalo ya go šiiša ka go bea diatla godimo le go re, “Re go fa mpho ya phodišo. Re go fa mpho ya seprofeto.” Ga go selo se sebjalo.

<sup>13</sup> “Dimpho le dipitšo di ka ntle ga tshokologo.” Modimo o a fa. “Modimo o beile ka Kerekeng baapostola, baprofeta,” le go ya pele. Le a bona? Ga go selo se sebjalo bjalo ka monna yo mongwe a efa yo mongwe mpho. Dimpho di tšwa go Modimo, gomme Modimo a nnoši.

<sup>14</sup> Gomme go tla ka Kerekeng, o tswalelwka go Yona. Ga go na tsela ye nngwe ya go tsena ka go Yona. Gomme ka gona o leloko la lapa, le la Modimo, o le morwa le morwedi wa Modimo. E sego mokgatlo, eupša mo—mo moleloko wa lapa.

<sup>15</sup> Bjale, mo dinakong tša Beibele, boka a bolela, ba tšeal Lengwalo godimo fale ge Paulo a rile go Timotheo gore o bile le mpho e diretšwe go yena.

<sup>16</sup> “Gabotse,” o rile, “e tšwa go makgolwagwe Loisa. Le a bona? Mpho ye e tšwago go makgolwagwe Loisa e ile ya neelwa fase go yena.”

<sup>17</sup> Ba lemogile ka go yena, go beng Mokriste wa go kgwahla, gape, mpho ya go bolela. Gomme ba beile diatla godimo ga gagwe, bjalo ka temogo. Bagolo ba kereke ba beile diatla godimo ga gagwe, ba lemoga monna yo; le go bea bodiredi bja baapostola, bja go bea diatla godimo ga gagwe, gore o tla ya go rera Ebangedi. Ba rometšwe ntle, ka bohlatse bja baena ba, gore ba dumetše gore mpho ya Modimo e be e šoma ka go yena. Yeo ke tsela ye ba dirilego gape go badiredi, ka go bea diatla, le go fa seatla sa go ja sa kopanelo; gore, go šoma mmogo, bjalo ka kwano pele ga Modimo, gore ba bone mpho e šoma ka go ngwanešu yo, gore o be a bileditšwe se sengwe. “Gomme re se dumetše.” Gomme ba beile diatla godimo ga gagwe, gore Modimo o tla mo šegofatša. Gomme e be e le tumelelo.

<sup>18</sup> Feela boka nka se kgone go ba... Yo mongwe ka mehla o mpeile molato, ka go ba “Jesus Only.” Jesu a nnoši, ka kolobetšong, a šomiša Leina la “Jesus Kriste,” ka kgontha ke dumelana le seo. Eupša ge o kolobetšwa “go ya tswalongswa,” ga ke kgone go dumela seo, gore meetse a lebalela dibe. Aowa. Ke dumela Madi a Jesu Kriste a lebalela dibe. Kafao, e sego kolobetšo go tswalongswa, eupša kolobetšo go boipolelo.

Kolobetšo ya gago ke boipolelo bja gago, gore o a dumela, gore mošomo wo wa ka gare wa mogau o dirilwe.

<sup>19</sup> Kagona, ke ya le batho ba Baptist ge ba re, go tleng ka kerekeng ya Baptist, o dira boipolelo bja gago, go kolobetšwa ka go...ka kerekeng ya bona. Seo se tla loka, bokgole bjo le kolobeeditšwego ka kerekeng yeo, tumelo yela ya Baptist.

Eupša, bjale, go tla ka go Kriste, o kolobetšwa ke Moya wo Mokgethwa, wa tswalwa gape.

<sup>20</sup> Ka gona ge o etla kerekeng, selo se nnoši seo kolobetšo e se dirago, e no ba...ke bopaki gore o dumela gore—gore Kriste o hwile gomme a tsoga gape, ka letšatši la boraro. Gomme o Mo amogetše bjalo ka Mophološi wa gago wa sebele, gomme o hwile gape go dilo tša lefase. Go bontšha lefase gore o hwa le Yena, gomme o tsogile le Yena ka tsogong. Ke tlhagišo ya ka ntłe gore mošomo wa ka gare wa mogau o dirilwe. Ga e na le selo go dira le go go fa phološo, ka baka la gore Madi a Jesu Kriste....Selo se nnoši o bego o swanetše go se dira, go no re, go ya pele le go kolobetšwa, gomme Jesu o be a se a swanela go hwa. Go tšere lehu go tliša Bophelo, ka mehla.

<sup>21</sup> Ka gore, re phela feela ka lehu. Se sengwe le se sengwe se kgona feela go phela ka lehu. Selo sa go hwa ke se re phelago ka sona, ge re ejá. Letšatši le lengwe le le lengwe o jago, se sengwe se swanetše go hwa gore o phele, nameng. "Gabotse," o re, "ga ke je nama." Gabotse, ga ke kgathale se o se jago, o...se sengwe se hwile. Yeo ke nnete. O ja letapola, le hwile. O ja kale, e hwile. O ja borotho, korong e hwile, lehea le hwile, e ka ba eng e bilego. Sebopego tsoko sa bophelo se a hwa, gobane o phela feela ka selo sa go hwa.

<sup>22</sup> Gomme ka gona ge o swanetše go phela, ka tlhago, ka selo sa go hwa, go kaakang bontši go fetiša go tšerego se sengwe seo se hwilego, gore le ke le phele Kagosafelego? Kriste o hwile, gore motho a kgone go phela gape. Gomme seo se ne feela Bophelo, bo ka go Kriste.

<sup>23</sup> Bjale, ditlhagišo tše tša ka ntłe. Gomme re bona Ngwanešu McKinney, yo e lego modiredi yo a hlomamisitšwego wa Methodist, yo a bonego Seetša sa Ebangedi ya go tlala. Re a mo dumela, ngwanešu wa go ratega, o na le lapa le lebose. Gomme o tlide go rena. Gomme o leka go swara sehlopha se sennyane mmogo, fale ka—ka Ohio, le Ngwanešu le Kgaetšedi Dauch, le baena ka moka fale. Gomme re a mo rata mo. Gomme re mo dumela go ba monna yo a biditšwego ke Modimo. Kafao, bjalo ka ge re dirile go Ngwanešu Jim Sink, go Ngwanešu Graham Snelling, go Ngwanešu Junior Jackson, go Ngwanešu Willard Crase, go yo mongwe le yo mongwe yoo re mo romelago ntłe go tloga fa, re ba tliša pele ga phuthego ye, go fa bopaki bjo, ka mokgwa wa go swana bjalo ka ge le kwele. Go bea diatla godimo ga bona, gore re dumela gore ba biditšwe ke Modimo, le go fa

tumelelo ya rena go yona, le go kgopela ditšhegofatšo tša Modimo go sepela le bona.

<sup>24</sup> O hwetša se sengwe go fapanā ka gare, go tšwa Beibeleng; ge o dira, e tla ba go tšwa Beibeleng. Yeo ke tlwa tsela ye ba e dirilego ka nako ya Beibele, ebe e le go bea diatla godimo ga bona, ka tlhomamišo. Ba beile diatla godimo ga matikone le go ba bea ka kerekeng. Se sengwe le se sengwe se be se le ka go bea diatla godimo, e sego go saenela godimo mokgobo wa dipampiri le go tšoena thutotumelo ye e itšego, goba se sengwe go swana le seo. Ba beile diatla godimo, gomme ba mo lokollela ka go Moya wo Mokgethwa, ba mo tlologela a sepele. Amene. Modimo o mo etapele ka tsela ye A nyakago. Yeo ke phetho. Yeo, yeo ke tsela ye re dumelago go e dira.

<sup>25</sup> Ngwanešu McKinney, re thabile, bošegong bjo, go bona o etla ka tsela ye o tliego. Gomme selo se o lekago go se dira, go fihlelala se sengwe bakeng sa Kriste.

<sup>26</sup> Gomme ga re aroganye kereke e ka ba efe, moleloko e ka ba ofe wa kereke e ka ba efe, Methodist, Baptist, Presbyterian, Katoliki, e ka ba eng e ka bago. Re dumela gore Moya wa Modimo o šoma ka motho ka motho. Gomme ka kerekeng ye nngwe le ye nngwe go na le Bakriste, go kgabola ntłe kereke ka moka ya lefase, yeo e bitšwago bjalo, lehono. Ke a dumela go na le Mamethodist, Mabaptist, Mapresbyterian, Malutheran, ba ba ratago Modimo. Gomme selo se nnoši seo ba se tsebago ka Yena, ba phela kgauswi ka mo ba kgonago, kgauswi ka mo ba tsebago gore bjang, goba ba rutilwe go phela. Batho ba bangwe ba nagana sohle ba swanetšego go se dira e no ba go bea leina la bona mo pukung, le go tšoena kereke, seo ke sohle ba hlokago go se dira. Mme o be a le wa kereke ye e itšego. Papa o be a le wa kereke ye e itšego. Gabotse, seo, le a bona, seo ke sohle ba tsebago go se dira.

<sup>27</sup> Eupša Jesu o boditše mmuši yo wa Bajuda, mosong wo, “Ntle le ge motho a ka tswalwa gape a ka se kgone eibile go bona Mmušo wa Modimo,” ga go kgathale o wa kereke efe. Gomme O rile, o boletše ka Tswalo ye mpsha.

<sup>28</sup> O rile, “Nna, mokgalabje, go tsena popelong ya mme, le go ya pele, ka tswalwa gape?”

O rile, “O makgone ka Israele, gomme ga o tsebe dilo tše?”

<sup>29</sup> Le bona ka fao kereke ya lefase e e dirago go beakanywa le go phetlega, go fihla e no ba sehlopha sa dithutotumelo? Tšeо ke dikgopolo tša madirwakemotho di beilwe ka go dilo tša semoya. Gomme dilo tša semoya di tla ikaroganya ka boyona go tloga go yona, nako le nako. Wena, bjalo ka ge polelo ya kgale e le, o ka se kgone go hlakanya oli le meetse. E no se hlakane. Yeo ke phetho. Fao, ga go ditlabelwa di tla hlakanago.

<sup>30</sup> Gomme ke ka tsela ye go lego bjale. Re dumela gore Moya wo Mokgethwa o bitša banna. Moya wo Mokgethwa o bea banna.

Ga go kgathale, re ka kgora go bea diatla godimo ga Ngwanešu McKinney, goba modiredi yo mongwe le yo mongwe, iri morago ga iri, botelele letšatši lohle, le go mo fa dipapetla tše telele tša pampiri a ka kgonago go di saena, diken go dithutotumelo, e ka se tsoge ya dira selo go yena. Eupša, a nke Moya wo Mokgethwa o mo rathe, gatee. Yeo ke yona. Seo se a e dira. Ga go yo a swanetšego go mmotša e ka ba eng gape. O ile. Le a bona? Yeo ke phetho. Gomme ka gora, selo se nnoši re ka kgonago go se dira, ke kopanelo, gore re lemoga ngwana wa borena o ka leemong leo.

<sup>31</sup> Modimo a go šegofatše, Ngwanešu McKinney. O tla tla godimo mo, pele, nakwana feela.

<sup>32</sup> Ngwanešu Neville, Ngwanešu Collins, badiredi, ge le ka rata go ema kgaušwi, re tla thaba go lena go tla godimo mo, motsotsotso feela.

<sup>33</sup> Ge o ka tla ka tsela ye gomme wa retologela go batheeletši, Ngwanešu McKinney, thwi ka mokgwa *wo* mo.

<sup>34</sup> Ke ba bakae ba tsebago Ngwanešu McKinney, o kopane le yena tikologong fa? Ke ba bakae ba mo dumelago go ba monna wa bomodimo? Phagamiša seatla sa gago. Ka kgonthe.

<sup>35</sup> Re thabile, bošegong bjo, Ngwanešu McKinney, ge re eme ka mahlakoreng a gago mo, lehlakoreng la gago, le phuthego ye, go tseba gore o amogetše ko—ko kopanelo ya theroy a go tlala ya Ebangedi; gore o ikemišeditše, ka mogau wa Modimo, go swara maemo a Beibele. Go sa kgathale gore eng kapa eng e reng ka Yona, o tšeа go ema ga gago godimo ga Lentšu la Modimo la ka Gosafelego. Gomme gora ga go kgathale ke mokgatlo ofe o lekago go E ragela ka mathoko, o ema feela tlwa ka tsela ye E ngwadilwego. O dula thwi le Yona. Yeo ke tsela. Yeo ke tsela ye re dumelago mo, a ga se yona? Bohle ba E dumele ka tsela yeo. A nke mogau wa Modimo ka mehla o be le wena.

<sup>36</sup> Bjale, rapelang thapelo ya lena beng, ka tsela yeo Modimo a tla tšeago ngwanaborena.

<sup>37</sup> Ka gore, Dietša tša mantšiboa di a phadima, gomme letšatši ka pela le a dikela. Go Tla ga Kriste go batametše. Thapelo ya ka ya tlhokofalo ke gore Modimo o tla tširoša soulo ya mošemaneyo ka kolobetšo ye bjalo ya Moya, le tumelelo, o tla ya ntle kua le go pholosa masome a dikete a disoulo, pele ga go Tla ga Morena. Modimo o a tseba re a mo hloka ka bodireding.

<sup>38</sup> Re nyaka o tsebe, Ngwanešu McKinney, bjalo ka kereke ye le sehlopha se sa batho mo. Kereke ke sehlopha sa batho bao ba kgobokanego mmogo, ntle le mokgatlo. Seo ga se dire motho o tee mo, e ka se kgone go ba gobane o tla mo, goba kereke e ka ba efe ye nngwe, e tla go dira moleloko. Go tsela e tee feela go ba moleloko la Mmele wa Kriste, yeo ke, o tswalelwka ka go Wona, ka Moya wo Mokgethwa. Gomme re a dumela gore ngwanaborena o tswetšwe ka Mmeleng wo, o na le pitšo godimo ga bophelo bja gagwe go rera Ebangedi. Re hlatsye ya se, bošegong bjo, gore re

ka morago ga gago, ka thapelo ya rena. Modimo a go hlahle, ngwanešu wa ka.

A re inamišeng dihlogo tša rena.

<sup>39</sup> Tate wa rena wa Magodimong, e no tiiša soulo ya ka ge ke bona mo—mo modiredi a sepelela godimo, a lemoga Ebangedi ya go tlala. Gore Kriste o boletše, gore magodimo le lefase di tla feta, eupša Lentšu la Gagwe le ka se tsoge la palelwa. Ka gona re a bona, gape O rile, ge O feditše go kgabola Puku, “Mang kapa mang a ka oketšago lentšu le tee go Puku ye, goba a tsea eng kapa eng go tšwa go Yona, wa go swana go tla tseelwa ntle (karolo ya gagwe) ya Puku ya Bophelo.”

<sup>40</sup> Ngwanešu McKinney o bone Se. Gomme ka go sehlopha sa baena, sa moo a bego a kopanelo, o tlišitše Therešo yeo a e bonego ka go Lengwalo. Ga go yo motee a bego a ka kgona go emelana le Lona, eupša go le bjalo mokgatlo o be o sa kgone go kgotlelela Leo. Kafao o tsea kgetho ya gagwe, e ka ba go latela se motho a se boletšego, goba se Modimo a se boletšego. Modimo, ke—ke leboga Wena go mo fa tlhohleletšo go tsea se Modimo a se boletšego. Ka gore Beibebe e rile, “A nke lentšu la motho yo mongwe le yo mongwe e be maaka, gomme la Modimo e be Therešo.” Gomme o ikemiseditše go swarela Leo godimo.

<sup>41</sup> Gomme go laetša kopanelo ya rena le yena, goba go ema le yena ka tekong ya gagwe, go hlalala le yena ka phenyong ya gagwe, re fa bjalo ka masole mmogo. Modisa wa tabarenekele ye, le nna, re bea diatla godimo ga gagwe, Leineng la Jesu Kriste, gore O tla šegofatša ngwana wa borena. Mo dire a phele ka Moya. Mo tlatše ka maatla, go rera Ebangedi. Mo fe maswao le dimaka go latela bodiredi bja gagwe. Gomme a nke a be sedirišwa ka seatleng sa Gago, se gafetšwego go Wena, ka go matšatši a a mafelelo, go pholosa dikete tša disoulo tše di lahlegilego tše di sesellago ka leswiswing lehono. E fe, Morena. Ye ke thapelo ya rena, le tumelo ya rena ka go ngwanaborena, le boitshepo bja rena le tumelo ka go Wena, gore O tla araba thapelo ya rena, bakeng sa ye kgolo ye, iri ya go hloka ka go bodiredi bja ngwanaborena. Ka Leina la Jesu re a mo roma. Amene.

<sup>42</sup> Modimo a go šegofatše, Ngwanešu McKinney. Gomme a nke mogau wa Modimo o dule le wena, le go go fa tlhogeloa ya go hloko fala ya pelo ya gago. Modimo a be le wena.

<sup>43</sup> Yeo ke tlhomamišo ye ke e tsebago, ya Beibebe, seatla se setona sa kopanelo. Bohle ba ba fago Ngwanešu McKinney seatla sa go ja sa kopanelo, ka kerekeng ye, emišetša seatla sa gago godimo. Dithapelo tša rena, thekgo ya rena, go go thuša go ema go selo seo e lego Lentšu la Modimo la Gosafelego.

<sup>44</sup> E lego, “Magodimo ohle le lefase di tla feta, eupša Le tla be le sa eme.” ka gobane, “Mathomong go be go le Lentšu, gomme Lentšu le be le na le Modimo, gomme Lentšu e be e le

Modimo. Gomme Lentšu la dirwa nama gomme la dula magareng ga rena."

<sup>45</sup> Lentšu le rile, "Ke nna Morara, lena le makala." Gomme Bophelo bja go swana bjo bo bego bo le ka go lekala, ka go Morara, bo rethetha ka go Morara le go tliša pele Bophelo bja go swana, ka dikenywa tša go swana, ka mediro ya go swana, ka selo sa go swana. Ke a tseba ke Therešo, gobane ke E bone e phethagatšwa. Amene le amene. Ke rata yela ya go loka, tsela ya kgale ya Ebangedi. Ee, mohlomphegi.

<sup>46</sup> Bjale mohlomongwe go ba thari gannyane, go ya go masometharo a senyane, eupša bjale re ya go ba le tirelo ya selalelo.

<sup>47</sup> Bjale, re se bitša "selalelo," eupša ga se selalelo. Selalelo ke go bolela, go boledišana. *Go boledišana*, ke ge re ema le go bolela le Morena, go boledišana. Eupša, bjale, se se bitšwa "selalelo sa Morena." Ke makala gore ba bangwe ba bosebjalebjale ba, ba ba sa rego "selalelo" gape, gomme ba se bitša "matena," ba ya go šoma seo bjang go dikologa? Le a bona? Uh-huh. Le a bona? Ee, mohlomphegi. Ke selalelo sa Morena. Re no dumela Beibele ka tsela ye E se bolelago.

<sup>48</sup> Gomme re nyaka le tsebe, gore Methodist, Baptist, Presbyterian, Lutheran, e ka ba eng o ka bago, o a laletšwa, le ngwanešu le rena, ge o tswetšwe ke Moya wa Modimo, go ema mo, go tšeа selalelo le rena.

<sup>49</sup> Re a dumela gore tše di emela mmele wo o robegilego wa Jesu Kriste. Gomme re a dumela gore Mokriste o tlamegile wa mošomo go se tšeа. Re dumela gore monna yo a sa phelego gabotse, yo a tlago gomme a se tšeа, ntle le go phela gabotse, o ja le go inwela go lahlwa yenamong, ka ge a sa hlaologanye mmele wa Morena. Ke ka lebaka leo dikereke tsela di ipitša Bakriste bonabeng, di hweditšwe, ka Beibeleng, "Di tletše maina a go rogana." Le a bona? Gobane, go tšeа selalelo, le go ya ntle le go phela mohuta e ka ba ofe wa bophelo, o tliša kotanatšitišo ye kgolokgolo go feta mafelo a botagwa ohle ao a lego go kgabola naga.

<sup>50</sup> O bona mmalegogwana mokgotheng, o tseba se a lego sona. Lebelela ka tsela ye a dirago le go apara, o a mo tseba. Eupša Mokriste ga se a swanelo go dira seo—seo. Ge o bona le—le—le—le lefelo tlase mo, le re, "Lebenkele la bobolokelo! Dibeine, wisiki," le go ya pele. Le tseba se leo le lego. Leo ke—leo ke lefelo leo. Leo le lokile. Go binwa, kgwele, le go ya pele, le tseba se seo se lego. Eupša le letela batho ka fale go ba ba enwa, ba kempola, ba aketša, ba utswa, se sengwe le se sengwe gape. Seo ke—seo ke sehлага sa meoya ya ditšhila.

<sup>51</sup> Eupša ge le bona lefelo le le bolelago go ba barwa le barwedi ba Modimo. Sepelela ka kua, gomme selo sa pele, go ba bona ba gana lona Lengwalo, go swanelo... gobane Ga le swanele

thutotumelo ya bona. Ba bone ba etla ka kua, le go bolela ka mošomo wa Modimo o dira se sengwe, le go se sega. Moikaketši yola šole. Ya. Seo ke selo se sempe. Gomme go bona bona batho ba etla le go tšea selalelo, le go ya thwi ntle fale mo mokgotheng le go phela feela boka ka moka ga bona, yeo ke kotanatšitišo ye kgolokgolo, yeo fale.

<sup>52</sup> Ke rerile mo, e sego telele go fetile, “Manyami ka Kahlolong.” Setagwa seo ga se ye go nyama ge a ekwa kahlolo ya gagwe go ya heleng. Ga a ye go nyama, le ge e le moaketši goba lehodu. Eupša wa go nyamišwa o ya go ba yena yola yo a nagannego o be a lokile. Yoo ke yena. Ka kgonthe go ba bontši bja yona. Re tseba seo.

<sup>53</sup> Gomme Modimo a be le kgaogelo go disoulo tša rena. Se ke se sengwe seo se sa kgonego go ralokwa ka sona. Dibeke di se kae tša go feta, go be go le yo motee a dutše mo magareng ga rena, a phela, ngwanešu yo mokaone, Ngwanešu Taylor. O ka Letagong, bošegong bjo, o ile ka gare feela ka nako ya nakwana. Gomme bjale re a tseba gore letšatši le lengwe re a ya, kafao bjale ke nako go phela gabotse. Bjale ke nako.

<sup>54</sup> Gomme elelwang thuto ya mosong wo? Mabokwala a a swanetše go ba ka fao pele Letlapaseapešo eibile le tla tla godimo ga yona. Oo, o ka no goeleta. O ka no opela. O ka no bolela ka maleme, le go bina. Seo ga se ne selo le gannyane go dira le yona. Go fihla dilo tše, di netefatšwa ka Mangwalo le go tswalelelwa ka go wena, Moya wo Mokgethwa o go tswalelela ka gare bjalo ka motho ka motho, gona o morwa le morwedi.

<sup>55</sup> Re kwele batho ba bolela ka maleme, bao ba bego ba se ne Moya wo Mokgethwa. Le tseba seo.

<sup>56</sup> Ke kwele baloi ba bolela ka maleme. Dingaka baloi ba bolela ka maleme, gomme ba enwa madi go tšwa legateng la motho, gomme ba bitša diabolo. Ee, mohlomphegi. Kafao, wena, seo ga se . . . ke bone baloi, baloigadi, ke bona nako ye phensele e bego e robetše fase, le go kitimela godimo le fase ga phaephé ya setofo gomme e raloka “beola le mokoto,” gomme e ngwala ka maleme a go se tsebje. Gomme mothaka a eme fale, e no thalathala godimo le fase, gomme e ngwala, gomme a bolela tlwa se e bego e se bolela. Bjale, le a tseba yoo ga se Modimo. Gomme le tseba dilo tšeо tšohle.

<sup>57</sup> Kafao go bolela ka maleme ga go re gore o—o wa Modimo. Go šoma ga mehlolo ga go netefatše o wa Modimo.

<sup>58</sup> Ke selo, dikenywa tša Moya, yeo e netefatšago gore o ka go Modimo, ge o bona Bophelo bjola bo tswalelelwa kgole ke Moya wo Mokgethwa.

Modimo, a nke e be. A nke e be rena. Ge re dirile sebe, a nke Tate yo mogolo wa Legodimong a re swarele bakeng sa sona.

<sup>59</sup> Ke ya go bala a mangwe a Lengwalo, se Jesu a boletšego le rena ka Moya. Bjale, ke ya go le bala go tloga go tema ya 11 ya Bakorinthe ba Pele. Gomme ke ya go thoma go temana ya 23. “Ka gore ke amogetše go tšwa go Morena . . .” Ke bolela bjale bjalo ka ge Paulo a bolela.

*...Ke amogetše go tšwa go Morena seo le nna ke le neetšego sona, Gore Morena Jesu bjona bošegong bjoo . . . a ekilwego o tšere senkgwa:*

*Gomme ge a file ditebogo, o se ngwathile, gomme o rile, Tšeang, gomme le je: wo ke mmele wa ka, wo o robjago bakeng sa lena: dirang se e be go nkgopola.*

*Ka morago ga mokgwa wa go swana gape o tšere senwelo, gomme ge a laletše, a re, Se ke senwelo sa testamente ye mpsha ka mading a ka: dirang se, ka mehla ge le se nwa, e be go nkgopola.*

*Gobane ka mehla ge le ejasenkgwa se, gomme le enwa senwelo se, le bonagatša Lehu la Morena go fihla a etla.*

*Le gona mang kapa mang a ka jago senkgwa se, le go nwa senwelo se sa Morena, a sa swanela, o oba molato mmeleng wa Morena le ma mading a gagwe.*

*Kafao a nke motho a itekole yenamong, gomme kafao a nke a je . . . se senkgwa, le go nwa . . . se senwelo.*

*Gobane yo a jago a nwa a sa swanela, o jela le go nwela kahlolo go yenamong, a sa hlathe mmele wa Morena.*

*Ka lebaka le ba bantši ba a fokola le go babja magareng ga lena, . . . ba bantši ba a robala.*

*Ka gore ge re ka ikahlola renabeng, ga ra swanela go ahlolwa.*

*Eupša ge re ahlolwa, re solwa ke Morena, gore re se tlo lahlwa le lefase.*

*Ka gona, baena ba ka, ge le etla mmogo go ja le letelaneng seng.*

*. . . ge motho e ka ba mang a swerwe ke tlala, a nke a je kua gae; gore le se tle mmogo go go lahlwa. Gomme tše dingwe ke tla di lokiša ge ke etla.*

<sup>60</sup> ke tla rata go bolela se go selalelo. Bjale, yeo ke tšitišo ye kgolo, gare, lebaka lehono leo kereke ya Katoliki le kereke ya Protestant e ka se kgone go tšwelela mmogo, e ka go yona thuto ye. Katoliki e e tšeа bjalo ka mesa. Gomme o a holofela, ka meputso tsoko, melawana ye a e dirilego, le ka go boloka taelo ye, gore o tla lebalelwa dibe tša gagwe. Protestant e e tšeа, ka ditebogo, gore dibe tša gagwe di swaretšwe, gobane o obametše taelo.

<sup>61</sup> Bjale, borotho, Katoliki e bolela gore ke mmele wa mmakgonthe. Gomme le ke Lengwalo leo ba le šomišago, go tšwa go Bakorinthe fa, Bakorinthe ba Pele 11.

O rile, “Jesu o rile, ‘Tšeang gomme le je: wo ke mmele wa Ka.’”

Protestant e re, “Bo emela mmele.”

<sup>62</sup> Katoliki e re, “Ke mmele. Gomme, gore, mo—mo moprista o filwe maatla a Modimo go fetolela senkgwa ka go mmele wa tlhago wa Kriste.”

<sup>63</sup> Bjale, ge le ka hlokomela, mmele wa Jesu o be o sešo wa neelwa, ge A rile, “Wo ke mmele wa Ka.” O ngwathile borotho gomme o rile, “Tšeang gomme le je: wo ke mmele wa Ka.” Mmele wa Gagwe o be o sešo wa be wa robja. Kafao, Lengwalo la bona—la bona beng, selo sa bona beng ba se šomišago, se tliša kahlolo godimo ga thuto ya bona beng. Le a bona? Jesu o tšere borotho gomme a bo ngwatha, gomme a bo fa bona, o rile, “Wo ke mmele wa Ka. Tšeang gomme le je.” Gomme šo O be aeme mo, ka mmeleng wa Gagwe. O be o se šo wa robja le bjale. Huh! Go le bjalo, Mangwalo a ka se aketše. A tla ipoloka Wonamong go hlaka ka dinako tšohle. Kafao, re dumela seo.

<sup>64</sup> Gomme re dumela gore ge re etla mmogo, O rile, “Letelanang seng.” Ka lentšu le lengwe, “Letelanang seng.” Lentšu *leta* le ra “go letela.” “Letelanang seng.”

<sup>65</sup> Bjale, bjalo ka ge go bile setlwaedi go rena, re tšeа Lengwalo lela ka tsela ye. Gore, ge re dira se, gore re no inamiša dihlogo tša rena, gomme phuthego e rapelela rena badiša. Rena badiša re rapelela phuthego ya rena. Ke ka mokgwa wo re letelanago seng sa rena, ka go direlana seng sa rena, ka go rapela.

<sup>66</sup> Le a rapela, “Modimo, lebalela modiša wa ka. Ge go na le e ka ba eng ka bophelong bja gagwe seo ba—ba se dirilego, O ba swarele bakeng sa sona. Ba lebalele. Ba be ba sa re go se dira.”

<sup>67</sup> Gomme re tla thwi morago, badiša, re rapelela phuthego ya rena, “Modimo, wo ke mohlape wo monnyane wo O re fago go o hlokomela. Ge go na le e ka ba eng ya phošo ka bophelong bja bona, e tloše, Tate. Ba...Gore bohole re kgone go ema mmogo go dikologa, go kopanela go dikologa, go tseba gore re tla mo, go boloka lenaneo la Modimo, le go tšeа selalelo.” Ke nagana ke nako ye bose ya kopanelo.

<sup>68</sup> A re rapeleleng bjale ge re inamiša dihlogo tša rena. Ka setu, re rapedišeng, re a le rapelela. [Ngwanešu Branham o rapelela ka boleta metsotswana ye masomenne—Mor]. . . ? . .

<sup>69</sup> Tate, ge re tšeа selalelo se, bjalo ka ge re se bitša selalelo, ke go gopola ka Wena. Gomme ge se sennyane se, senkgwana sa go itiwa se kgwatha maleme a rena le go ya ka molomong wa rena, a nke re lemoge gore O be a tlapirigantšwe le go šilaganywa, go kgeilwa bakeng sa dibe tša rena. Gomme seširo

selā se Mo širilego go tloga go renā, bjale O ka go renā, Moya wo Mokgethwa.

<sup>70</sup> Gomme ge re amogela beine, a nke re lemoge gore e be e le ka megogoma ya Gagwe yeo re fodišitšwego, ka Madi a Gagwe re phološitšwe, Bophelo bjo bo bego bo le ka Mading.

<sup>71</sup> Bjale, Tate, re kgobokanye mmogo bakeng sa modiro wo mokgethwa, lebalela dibe tša renā. Ka Leina la Jesu re a e kgopela. Amene.

<sup>72</sup> Ke a dumela bjale gore bagolo, yo mongwe wa bona, o tla tla pele fa. Woo, ke a dumela, gore ka mehla e be e le mošomo wa Ngwanešu Taylor, le wona, (a e be e se wona?) go tla pele, go bitša go tla go selalelo. Ke a makala ke mang a tla tšeago lefelo lela? Ngwanešu Tony, a o tla dira seo? Ngwanešu Zabel, fa, o tla tla pele le go šupetša, mothalo ka mothalo, ge re etla pele, go tšeae selalelo, go boela madulong a renā.

<sup>73</sup> A le a tseba gore selalelo se ne phodišo Kgethwa ka go sona? Ge Baisraele, ka sekai, ba tšere selalelo, gomme ba matšitše mengwaga ye masomenne. Gomme ge ba etla ka ntłe ga lešoka, go be go se mofokodi magareng ga bona, batho ba dimilione tše pedi le seripa. Go na le maatla a phodišo ka go selalelo.

Yo mongwe le yo mongwe o amogetšwe bjale.

<sup>74</sup> Gomme kgaetšedi wa renā, ge a ka tla go piano, o raloka pina ye:

Go na le Mothropo o tladitšwe ka Madi,  
A ntšitšwe go tšwa ditšikeng tša Imanuele,  
Moo badiradibe ba phonkgetšego ka tlase ga  
lefula,  
Ba lahlegelwa ke patso yohle ya molato wa  
bona.

<sup>75</sup> A nke dibe tša lena di lebalelwē, bana. A nke mogau wa Modimo ka mehla o be le lena, ge re sa le leetong le. A nke bohole re kopane ka lehlakoreng le lengwe, re thabile le baswa gape. Amene.

<sup>76</sup> [Rapiano o bapala *Go Ne Mothropo O Tladitšwe Ka Madi*, mola Ngwanešu Branham a lokišetša dielemente tša selalelo bakeng sa thapelo—Mor.]

<sup>77</sup> Bjalo ka ge ke swere, bošegong bjo, ka go tšašara ye nnyane ye fa, ke borotho bjoo bo emelago nama ya Morena wa renā, bjalo ka ge go dirilwe borotho bja koša ka diatla tša Mokriste. Gomme bjale e tla go renā, bjalo ka sekā sa mmele wo o robilwego wa Morena wa renā.

A re inamišeng dihlogo tša renā.

<sup>78</sup> Tate wa Magodimong, seloba se bohlokwa se, sehlabelo se O re diretšego sona, re bona ka go borotho bjo, tlaišego le go kgeiganywa ga mmele wa Gago. Oo, go rothiša dipelo tša renā

madi, Morena, ka meokgo, ka go kokobela, ge re nagana gore Modimo o tla dirwa nama, gore a itswikaganye diripana, go dira poelano, go phethagatša toka ye e nyakegago. Gomme ka gona, ka mogau, ntle le e ka ba eng le gannyane, re laleditšwe go tla. Re Go leboga bjang, Tate! Hlwekiša borotho bjo, bjale, go morero wo bo nepetšwego le taba. Gomme mang kapa mang a ka bo tšeago, a nke ba be le Bophelo bjo Bosafelego bo dule ka gare ga bona. A nke ba se tsoge ba senyega, eupša ba phele ka Gosafelego le Modimo. Ba fe go phelega le maatla bakeng sa leeto. Re kgopela ka Leina la Jesu. Amene.

<sup>79</sup> Beibele e rile, “Ka mokgwa wa go swana, O tšere senwelo, gomme ge A laletše, a re, ‘A ke Madi a Testamente ye Mpsha.’ Ka mehla ge le Se nwa, le laetsa pele lehu la Morena go fihla A etla.” Ke swere ka seatleng sa ka ke—ke kenywa ya morara. E emela Madi a Morena Jesu.

<sup>80</sup> Go boletšwe, ke ba bantši, gore ba ka se tšee beine, beine ya tlwaelo, gobane e be e na le alkoholo, gore e be e le seno, gomme ga se ba swanela go tšea beine. Ba tšea tšusi ya terebe.

<sup>81</sup> Lebaka re tšeago beine ke ka gobane Beibele e rile, “Beine.” Diphetolelo tšohle di e fa “beine.” Lebaka le lengwe: beine ge e eba ya kgale, e ba bokaonana le go tia kudu. Tšusi ya terebe e a dilafa mo diiring di se kae. Madi a Jesu Kriste a ba bosana le bokaonana ge mengwaga e eya go feta. Ga a tsoge a galaka goba a tšhilafala.

<sup>82</sup> Tate wa rena wa Magodimong, ke swere ka go tšašara ye bošegong bjo, madi a diterebe ao a emelago Madi a Jesu Kriste. Gomme bjale, ka go ye, megogoma ya Gagwe, re fodišitšwe. Ka Mading a Gagwe re pholosítšwe. Gomme moreti o rile:

Ge e sa le go tloga ka tumelo ke bone moela  
Dintho tša Gago tša go ela di o tlisa,  
Lerato la go lopolla e bile kgwekgwe ya ka,  
Gomme e tla ba go fihla ke ehwa.

<sup>83</sup> Tate Modimo, leo ke kgwekgwe ya rena bošegong bjo, lerato la Modimo leo le abilwego bophara ka dipelong tša rena ka Moya wo Mokgethwa. Hlwekiša beine ye, Morena, bakeng sa morero wa Yona e o nepetšego. Gomme ge re e enwa, elelwang, e emela tlaišego yela kua Khalibari, ge ye sehlogo, meetlwa ya dikwero e gateletsé dintšhi tša Gagwe go fihlela e šwahlha go kgabola letlalo, gomme Madi a tšwile. Ge sefepi sa go kgakgamolotša, katse ya mesela ye senyane ka dinweletši mo bofelong bja letlalo, e itia ka go magetla a Gagwe, go fihla dikgopo tša Gagwe di bonala go kgabola. Dipekere tša Roma di nangasetše go kgabola maoto a Gagwe le diatla tša Gagwe. Gomme lerumo le ile go kgabola pelo ya Gagwe. Leo e be e le lerato go rena ba go se be le maswanedi.

<sup>84</sup> Ka dihlong, re a inama, Morena, gore go tšere Morwa wa Modimo poreisi ye bjalo go re lopolla. Gomme ka gona ka fao,

ka go meboya ya rena, re phagamišetša godimo poboelo ya rena go Wena, gore O re fa mogau go tla, le netefatšo. O rile, "Mang le mang a jago nama ya Ka gomme a nwa Madi a Ka o ne Bophelo bjo bosafelego, gomme Ke tla mo tsoetša godimo gape ka letšatši la mafelolo." E ka palelwa bjang ge e etla go tšwa go dipounama tše bjalo! Re tla tsoga gape.

<sup>85</sup> Kafao, Tate, bošegong bjo, ge re sa eme fa re phelegile, bjalo ka ge re tseba, le ka mogau wa Gago, re tile le go phelega, le go ba gabotse monaganong, re tla go tšeа se, go laetša go Wena, re dumela go lehu, poloko le tsogo ya Morena wa rena. Re Mo amogela bjalo ka Mophološi wa rena. Re Mo dumela bjalo ka Modimo le Kgoši ya rena.

<sup>86</sup> Hlwekiša beine ye, bjale, bakeng sa morero wo e o nepetšwego. Gomme motho yo mongwe le yo mongwe yoo a e tšeago, a nke ba amogele mogau wo Mokgethwa, Moya wo Mokgethwa, go phelega go gobotse le maatla, go direla Modimo go kgabola nako ya bona ya bophelo. Ka la Jesu Kriste Leina. Amene.

<sup>87</sup> [Rapiano o bapala *Go Ne Mothropo O Tladitšwe Ka Madi*. Lefelo la go se be le selo godimo ga theipi—Mor.]

Wena Kwana ya Khalibari,  
Mophološi Mokgethwa;  
Bjale nkwe ge ke rapela,  
Tloša sebe sohle sa ka,  
O ntumelele go tloga letšatši le  
Go ba wa Gago ka moka!

<sup>88</sup> Ka go palo ya Lengwalo, ka go Puku ya Mokgethwa Johane, tema ya 13, re a bala, go thoma ka temana ya 2 ya tema ya 13:

...selalelo se fedile, diabolo bjale o beile ka pelong ya  
Judase Iskariot, morwa wa Simone, go mo eka;

Jesu go tsebeng... Tate o be a file dilo tšohle  
ka diatleng tša gagwe,... gore o... tšwa go Modimo,  
gomme o ile go Modimo;

O tsoga go tšwa se selalelong,... a beela thoko diaparo  
tša gagwe;... a tšeа toulo, gomme a itlema yenamong.

Ka morago... o tšhetše meetse ka sebjaneng, le go  
thoma go hlapisa maoto a barutiwa, le go a phumula ka  
toulo ye a bego a itlemile ka yona.

Ka gona o tla go Simone Petro: gomme Petro a re go  
yena, Morena, a o hlatswa maoto a ka?

Jesu o fetotše gomme o rile go yena, Se Ke se dirago  
bjale ga o se tsebe...; eupša o tla se tseba ka morago ga  
fa.

Petro o rile go yena, Wena o ka se tsoge wa hlatswa  
maoto a ka. Jesu o mo arabile, Ge Ke sa go hlatswe, ga  
o ne karolo le nna.

*Simone Petro o rile go yena, Morena, e sego feela maoto a ka, eupša ga...eupša gape diatla tša ka le hlogo ya ka.*

*Jesu o rile go yena, Yo a hlapilego o hloka...ge e se go hlapiša maoto a gagwe, eupša le hlwekile moka:... le hlwekile, eupša e sego bohle.*

*Ka gore o be a tseba yo a tlago go mo eka; ka fao o rile, ga se la hlweka bohle.*

*Kafao ka morago ga ge a hlatswitše maoto a bona, gomme a tsere seaparo sa gagwe, gomme o dutše fase gape, o rile go bona, A le tseba se Ke se dirilego go lena?*

*Le mpitša Mong le Morena: gomme le bolela gabotse; ka gore Ke nna yena.*

*Ge gona Nna, Morena le Mong wa lena, ke hlatswitše maoto a lena; le lena le swanetše go hlatswana maoto seng.*

*Ka gore Ke le file mohlala, gore le dire bjalo ka ge Ke dirile go lena.*

<sup>89</sup> Ke nagana yeo ke ye nngwe ya ditemana tše botse kudukudu. “Ke le file mohlala, woo le swanetšego go dira bjalo ka ge ke le dirile.” Re swanetše go dirana seng sa rena, segopotšong, se. E be e le mokgwa wa kereke, wa sehlopha se sa batho se kgobokanago, ge e sa le re thoma. Gomme pele ga ge tabarenakele ye e ka tsoge ya agiwa, ge re be re sa le ka go dikopano tša thapelo tša klothase, re be re šoma go hlapiša maoto. Dikgaetšedi tša rena di ya kamoreng ka morago. Baena ba rena ba ya kamoreng go le letona. Gomme re phetha go hlapišana maoto. Basetsebje, ge le na le rena, bošegong bjo, re nno thaba go ba le lena go kopanela ka go ditaelo tše tša Modimo.

<sup>90</sup> Nka no hlatholla, bjalo ka ge ke boletše dinakwana di se kae tša go feta, selo se Modimo a re tlogeletšego sona go se dira. Kolobetšo ya meetse, athekele e tee; selalelo. Gomme, elelwang, tše e no ba tše pedi. Modimo o phethagatšwa ka boraro. Go hlatswa maoto ke ya boraro. Le a bona? Gomme re elelw seo, mengwaga moragwana, eibile le ka Beibeleng.

<sup>91</sup> Batho ba bangwe ba leka gore ga go bohlokwa. Ka nnete, ga ke re go bolela gore maoto a batho a hloka go hlatswa. Yeo ga se yona. Mohlomongwe ya bona eibile ga se e dire. Eupša e be e le tiro ya boikokobetšo. Ke—ke tiro ya—ya go dira, go no ba bohlokwa bjalo ka kolobetšo ya meetse. Ka baka la gore O boletše mo, gore, “Ke le file mohlala, gore le dirane seng sa lena bjalo ka ge Ke le dirile.”

<sup>92</sup> Gomme re hwetša gore mohlologadi a ka se kgone go tlišwa ka gare magareng ga batho ntle le ge a ile a fa basetsebje marobalo gomme a hlatswitše maoto a bakgethwa, go ipontšha renabeng go kokobela.

<sup>93</sup> Gore, ge e ka ba eng yeo re nyakago go ba, ke go kokobela, gobane seo ke sephiri go maatla, ke ka boikokobetšo. Gomme ka mehla le thabile, ge le tšwela ka ntle ga dilo tše, tša go di dira, ke lenaneo la go šegofala la kopanelo gore re obamela mo kerekeng.

<sup>94</sup> Gomme bjale ke rata go bega, bjale, gore Lamorena la go latela bošego e tla ba ditirelo mo. Feela ge ke etla ka gare, dipitšo tše dingwe di a tla, batho ba bangwe ba etla go rapelelwa, godimodimo go tšwa Toronto, Canada, go ba mo Lamorena la go latela bošego.

<sup>95</sup> Ke na le go gafela ga kereke ya Ngwanešu L. G. Hoover. E godimo ga letlapa la ditaba—la ditaba. Lamorena la go latela, ka iri ya lesometee, ka Elizabethtown, Kentucky.

<sup>96</sup> Ka gona go ba morago mo bakeng sa la go latela, Lamorena le la go latela bošego. Gomme ka gona re ya Shreveport, go tloga fao.

<sup>97</sup> Gomme re thabile go ba le lena bohle le rena go kgabola letšatši. Gomme dinako ge re... Ge, ge o le tikologong mo, ka toropongkgolo, kae kapa kae kgauswi, tšwela ntle. Re nyaka go kgobokana le go kgobokana renabeng mmogo. Re nyaka go dula ka tlase ga thuto ya ngwanaborena fa, Ngwanešu Neville, le—le go tšea karolo go dilo tše e lego tša Modimo. Ge a di hwetša go tšwa go Modimo, o di fa ntle. Gomme—gomme re nyaka go ithuta ka Modimo. “Gomme go boneng Letšatši le batamela, re swanetše go ikgobokanya renabeng gantši mmogo.” Re swanetše go rata, ka dipelong tša rena, go tla kerekeng. Ge re sa rate kereke, go rata Modimo... Go tleng mmogo, se re se bitšago kereke, ke go tla mmogo go rapela. Le a bona? Ge re rata Kriste, re rapela gape.

<sup>98</sup> Le eleletša monna a bolela gore o be a rata mosadimogatša wa gagwe, gomme o be a se a mmona nako ye telele, a feta thwi kgauswi gomme a re, “Gabotse, ke tla mmona nako ye nngwe”? Le a bona? Seo ga se sona. Goba, mosadimogatša o re o rata monnamogatš wa gagwe, goba batswadi ba re ba rata ngwana wa bona, gabotse, go—go a bontšha. Le a bona?

<sup>99</sup> Gomme ke nagana ditlhagišo tša rena, gore re be botolele kgafetša go ba ka thapelong, kae kapa kae, go rapela Morena, ge re etla mmogo go Mo rapela. Re Mo rapeleng kua gae. Re Mo rapeleng ge re sa otlela dikoloi tša rena. Kae kapa kae re lego, tumišang Morena, e nong go rapela.

<sup>100</sup> Beibele e rile, “A nke se sengwe le se sengwe seo se nago mohemo se rete Morena.” Gomme ka gona o rile, “Tumišang Morena.” Ebile le ge o se ne mohemo e ka ba ofe, e no fele o sa tumiša Morena. Le a bona? Tumiša! “Se sengwe le se sengwe seo se nago mohemo, tumiša Morena.” Gomme, gona, “Tumišang Morena.” Ke a nagana, Pesaleme 100, Pesaleme ya 100.

<sup>101</sup> Bjale, Morena a le šegofatše. Gomme ge re opela bjale, gape, baena ba tla ya kamoreng *ye*, le dikgaetšedi go kamora *yela*,

bakeng sa go hlatswa maoto, bjalo ka ge re eme bjale bakeng sa go phatlalala.

<sup>102</sup> Gomme lena ba le swanetšego go ya, gobaneng, le—le ya go phatlalatšwa mo nakwaneng. Eupša, gona, ka lethabo re tla le mema go tirelo efe kapa efe yeo re nago le yona. Etsa, gomme re tla leka go go direla bokaonekaone kudu ka fao re tsebago, go hlahla soulo ya gago go ya go leoto la Jesu Kriste.

Tšeа Leina la Jesu le wena,  
Ngwana wa mahloko le madimabe;  
Le tla go fa thabo le khomotšo,  
Oo, Le tsee, mogohle o yago.  
Bohlokwa . . .

Bjale retologang go dikologa gomme le šikinye diatla, yo mongwe le yo mongwe.

. . . O bose bjang!  
Kholofelo ya lefase le thabo . . . ( . . . ? . . . )  
. . . bose!  
Kholofelo ya lefase le thabo ya Legodimo.

Bjale, ge re inamiša dihlogo tša rena, re a opela.

Tšeа Leina la Jesu le wena,  
Bjalo ka Kotse go tšwa molabeng wo mongwe  
le wo mongwe;  
Ge meleko go go dikologa e kgobokana,  
Hema leo . . . ( . . . ? . . . )  
Le bohlokwa . . . (Leina le bohlokwa!) (O bose  
bjang!)  
Kholofelo ya lefase le thabo ya Legodimo;  
Leina le bohlokwa, O bose bjang!  
Kholofelo ya lefase . . . (Ke ya go go kgopela, re  
phatlalatše ka thapelo.) . . . ya Legodimo.

<sup>103</sup> Bjale, ge re inamiša dihlogo tša rena, ka go kokobela, re ya go kgopela Ngwanešu McKinney mo go re phatlalatša ka lentšu la thapelo. Gomme ka pela ka morago, lena ba le swanetšego go tloga, le ka tloga. Ka moka ba tla kgobokana ka dikamoreng. Modimo a le šegofatše.

Ngwanešu McKinney.



*Tlhomamišo* NST62-1104E  
(Ordination)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Nofemere 4, 1962, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)